

思伯子堂詩集

思伯子堂詩集卷九

建甯張際亮亭甫

嚴州守風口號

戊子

萬古嚴陵瀨滄波日夜流長雲暗高浪遠樹向孤舟骨
肉餘多病身名誤倦游蕭蕭蕩風色目斷有沙鷗

過七里瀨遂登釣臺慨然永懷因而成詠

春流日東逝客懷難具論挂席又晨發逐景遂晝暄心
悲歲時往目想英崎存嶽岑忽悵望眺覽豈謂煩高臺
上對峙曲磴中孤援松懸宛無地崖並如有門陰風貫
幽罅絕壁蟠空根紆透疊嶂合黯黝迴潭昏江聲遠自

答天影低誰捫赤服謝佐命朱鳥哀忠魂興亡異潛見
今古同邱樊荒荒雲峭靜嫋嫋煙芳繁方欣得徒侶永
憶酬願言

同希仲文學
煥奎部曹

曉發桐廬江

萋萋春蕪綠漠漠朝煙生滄波去千里天盡寒江明山
雲旣阻積渚樹何縱橫亂颿亦東逝愴此孤舟情伯鸞
嗟去國王子賦遠征登樓夙多感戀闕令徒縈沙禽屬
晨翼嘹唳西南鳴浩然望故鄉回首風濤驚

雨泊富陽郭外及夜有作

東風扇飛雨飄蕭橫江昏天迴富陽暗水下錢塘奔蒼

茫晦洲渚出沒愁鼉鼉驚波逝有恨苦霧來無垠既
失路感復廢盈觴歡步兵組猶戀洗馬襟徒煩高飛悵
孤鳥獨去何翩翩亂山渺雲際日夕青蒼寒空知暮樵
隱簾與諸漁羣蕭寥動夜籟淒切交空喧支蓬餘淅瀝
投枕兼辭漫逐物悼多往矢期冀永存升沈迹易昧進
退時可論方當滯南棹已籌旋北轅

正月二十三日晡抵錢塘江口風雨益厲因同煥
臺南會命興登六和塔欲往雲栖不得遂入淨慈
寺暮昏宿方丈次早煥奎入天竺余徑虎跑寺返
江口偕希仲文學出武林門煥奎亦至會宿舟中

夜大雪次日至塘西追感興嘆率錄成篇

平生幽壑性況乃憂患餘入山結遐想涉水懷清娛滄
洲轉已屢紺宇迹不孤夢因雨雪亂愁與風波俱高情
愧靈運倦游同相如故人儻迴駕言逐煙霞墟

三十日大風由丹徒浦口沂江入瓜步夕泊茱萸
灣瞻謁

聖祖皇帝舊行在恭賦

大江來峨岷孤舟出吳楚風濤急日夜蛟龍渴飛舞松
寥對淨玉青蒼黯微雨浩浩天自波亂飄無處所中流
獨擊楫高歌入迴渚沈冥夕光合蕭寥水禽語金碧動

漣煙翠麗亭廡幽石發奇姿叢條結芳侶

皇澤昔已霈

輦路春仍貯玩物

戒垂今

省方禮循古

聖人善

繼述父老屢瞻仁百年

威儀遠

兩朝文采鉅微生感後時頌

德緬前舉山川企

卷之二 詩集 卷之二
三
稅鑾歲月忘羈旅

淮陰懷古

英雄昔未遇食釣亦賤貧一飯尙不足況望侯王尊高
鷁有遠翼駭浪無潛鱗赫赫劉項旅濟濟漢楚臣中原
各虎視一戰興亡分自非淮陰續誰造赤服勳功高不
自下弓狗匪所論緬維終始際迺愧兩婦人大風思猛
士隆準固寡恩蕭條荒臺在未與長陵湮孤城向落日
積水低頽雲飢來獨四望落魄多王孫遭逢信運會出
處嗟艱辛

紅花埠

江南桃李醉東風山左春寒細雨中惆悵驛亭空二月
馬頭不見一花紅

青駝橋

青駝橋外雨悠悠一帶春蕪總繫愁看徧范家新水墨

江南山色皺礬頭

畫譜調范寬畫江南諸山多作礬頭謂峯上多皺石也

羊流驛

昔聞羊叔子墮淚有遺碑漢水自千載峴山人幾時荒
村空故宅寒日照茅茨兩晉風流在應同謝傳思

濟南道中

鵲華往日多秋色蠶尾何時見替人爲憶明湖舊楊柳

百年顚顛不勝春

三月二十日黃樹齋太史龔木民大令招同邢五
峯周雪橋兩太史鄭雲麓考功陳子鶴程容伯恭

壽兩同年三官堂看海棠分賦

前年送春曹魏開去年今日同燕關年年春歸人未還
存酒那惜酤朱顏故人黃龔最豪宕到手不放金杯閒
僧索海棠溼飛雨太真妝淚紅闌干朝光靜對風轉樹
醉眼偶覺雲如山細思萬物易變滅歲月且喜吾堅頑
羈孤奔走亦天意如此痛飲綠豈慳但愁明年各江海
看花誰與追雕鞍

五峯雪橋樹齋雲
麓皆可得使差

二十六日雪椒比部招同萊山學士蘭雪舍人葉

花寺看牡丹

鳳城何處好春光紅到琳宮壓眾芳滿地雲霞常擁錦

近天雨露獨稱王勝游三月繁香界故事前朝賸夕陽

此寺看牡丹
和明已然矣
閒撫丁香應識我
百年老樹過人長
寺藏
和向紅杏青松盡卷漁洋竹垞諸先生皆有手
書詩文昌閣下丁香一株傳爲漁洋所植也

重定回疆紀功詩

高宗神武戡西陲特置大帥綏柔之邊人震懾七十載
無敢軼我

皇綱維茶鹽皮革許互市以養以富以酣嬉兵驕將玩

子女困爾不顧訴爾則非薩木薩克有逆裔突逸敖罕
計閃屍天將畢纘

皇祖烈故使扶掖吾藩籬是維

皇帝歲丙戌疏勒萬馬聲悲嘶傷生參贊死領隊三城
繼失驚笳聲鞭垂投隘塞瀚海烽火照慘殷燕支飛書
入百里驛遞

皇帝震怒爰興師

曰余臣齡在伊犁

賜將軍印其揚威

曰爾遇春其在副爾士爾甲其精治

曰山曰坤駐肅州糧儲爾二臣其司

曰芳爾自固原往山東卒爾隆阿隨

曰黑龍江兵素勇先後

禁旅同西馳合遠近卒眾十萬

曰飢其食寒其衣天山九月雪花飛冰領慘日無光輝

宵廬盡地盡凍水草斷絕人煙稀

皇帝曰吁母用兵駐阿克蘇母駭疑軍懸萬里若左右

宸謀既協猶嗟咨丁亥仲春日卜吉進戰始舉

天王旗饒騰馬奮將士飽箭弩鎗礮如神揮負隅困獸

羽翼盡尺股寸臂粉糜剖

思伯子堂詩集卷九

皇帝曰俞四城復其敘將士功無遺其歸東來諸戰卒其撤

禁旅還京畿首兵元惡狡兔脫遇春齡爾其窮追爾獲爾功竄爾罪爾共敬戒毋

予違

聖人憂勤四海肅上下鑒格胥扶持驅敵殺敵勢自弱致寇縛寇兵之微歲除天寒候騎散窮虜竟出潛張鷗奉將軍令芳則果前距後臨兼阿奇封狼在檻兇在桎禽之捷獻陳

丹墀

皇帝曰余庸有績惟

天惟

祖嘉余私其告

列聖祭

廟社行賞爾眾書之碑

曰爾齡功茲第一錫爾上公世罔墮爾芳宜侯爾亦世
永保爾遇春其爲爾振鏞其遂

永傳爾惟助

余壽幄帷山坤爾其保

余嗣中外臣以功爲差復諸兵所過郡縣

伯子堂詩集卷九

余匪好戰民其知暨幽如明禮不忒其卹殉難諸孤嫠
是維今年戊子夏

膏澤既霈厥雨時

詔宣田野拜父老義魯荒服勤黼黻功成

皇帝益戒愼

曰繕堡堠堅城池四都護府舊節鉞八校尉隊新旌麾
我耕我屯迺爾衛爾會爾長母我睽蠹蠹部落盡舞蹈
而歌而泣而懷思

皇帝昔在青宮日手奉赤日清妖霓矧此小醜曷緝殲
譬引亂髮加梳篋鼎鐘鐃刻誓帶礪山海積阻通敵機

坐開

明堂撫萬國千億百載恢

皇基

曉過金鰲玉螭與陳大伯游

方海

觀荷花

帝城樓閣五雲端千葉田田映石闌金掌共承仙露早

玉河微覺曉風寒春人臨水香猶憶宮監司花夢亦安

生長蓮鄉心太苦

聞建蓮

天涯相對話歸難

送林五价亭大使

茂藩

之揚州

西域兵初罷南河漕暫清羣公急財賦煮海問虧盈價

重私偏濟

近日鹽斤加價之議不知私鹽之充斥正以所費少故售賤而食之者多加價徒濟私耳

商貧引豈行近日自粵商外餘多貧蓋一貧子大吏之供應再貧于倒商之均賠而商人復不知
崇儉務實待君總離權餘論采桓生

百萬

天家賦頻看

報疏蠲疏通竟何日疲敝始當年卷帳花都笑湔襟水
可憐孟嘗舊賓客歌舞幾官錢

聖主無遺照雷霆已示懲江淮原上賦課稅必先登竈
戶今蘇困場官爾勉能

天顏親

覲貴一命異諸丞

布經歷理問照磨按照磨經歷知事府經歷州判縣丞皆首領佐貳也分

發不引見引見惟盛庫
而大使蓋重其選也

餘事論風雅歐蘇迹未陳瓊花千古豔明月二分春祠

祭瞻先達

平山堂舊祀歐蘇二公及國朝漁洋尚書近
日吾閩伊墨卿太守揚人亦請祀焉名曰四

賢才華本替人平山堂下路此去薦芳蘋

六月二十四日樹齋太史招同蘇賓嶠

孟賜

舍人

潘星齋

曾瑩

紱庭

曾綬

兩公子木民伯游子序十

剡海作蓮花生日分得佳字

御溝積翠罨宮槐都映紅衣冉冉佳花海光明開佛界

水風蕭曠動秋懷

二十七日立秋矣

流年暗裏前朝換

十剡海為元故

蹟落日明邊一鷺偕師友平生餘韻事碧筒送酒幾天

思伯子堂詩集

卷九

九

涯吾鄉鼇峯書院蓮花頤盛甲申是日恭甫師曾命作七律四首

送樹齋太史典試江南

華國文章命世才，星輶初看出蓬萊。三年名壓仙班貴，

君少以才名江西丙戌兩部歡迎使節來。江蘇安徽兩省共鄉試

留館後文望隆日下矣，故事歌聲桃葉渡。秦淮卽昔之桃葉渡，明舊院在焉，與貢院相對，中隔長板橋而已。見徐澹

心雜新涼秋色雨，花臺戟戟帷駐日登高近。龍虎江山照

酒杯

擊劍高歌每夜分，交情三載比雲龍。棘闈有士應如我，

珊瑚網無遺久鑒君。流水東西今悵別，大江南北昔能文。

孤寒尙讀乙酉陳石士閣學一鸚，淺秋果不羣。典試江南搜落卷

得江甯管君同通經術能古文名下
士也閣學于君爲同鄉同館前輩

好句梧門畏後生

謂鍾仰山侍郎

使星雙耀石頭城

國家取士科名重吾道憐才意氣平
擁傳一秋添月色挂帆六代賸江聲
再持玉尺尋常事不負

溫綸首此行

上親諭侍郎偕太史宜搜落卷

二十九日得四兄初六日自蘇州寄書
泫然感賦
續題大日蘇州寄到及燕京月盡時
貧賤千人原失計飄零作客幸生離
蛩鳴北地秋來早雁向南天水宿遲
苦惱百年吾易過憐君排遣更無詩

所死徒勞教叔孫飯依且傍梵王門

時寓大隱禪院身當多難

皆成錯事到傷心未可言衰鳳清秋梧子月亂蛙涼雨
稻花村欲留未易歸難決尺素摩挲總淚痕

家茶農

深

解元爲余作天台觀瀑圖賦此奉謝卽

送之宰山東

昔嘗尋天台不識名山路

己卯十二月望日至山麓忽念母老不游而返

又嘗

夢天台

庚辰冬丁亥夏兩夢游焉

手撫華頂樹天風吹月銀河斜赤

城界破紅朝霞萬年雲氣化爲水中有縹緲千蓮花夜
來匹練憶奇絕一尺生綃卷冰雪落筆奔流盡倒飛置
我石梁望明滅石梁之側長松頑茯苓可食吾將閒碧
桃流水或宛在坐笑劉阮思人寰今君作令何日還儻

遙矢藥空明聞君不見朝鮮有客求潑學豈獨詩名
南北此去吟鞭向岱宗峯峯削出青芙蓉崩瀾轉石疑
雨風寄我新圖雨白龍

石筍詩

宣武門外上斜街中州鄉祠石筍二傳爲湯文
正公所置攷之舊碑其地爲銀灣曲乃梁康僖
公別墅壁間文正碑文亦云然石筍殆別墅遺
物與文正初宦京師已有此祠今以爲其故宅
其祠堂誤矣然公中州人昔嘗讌游於斯石筍
經公摩挲瞻玩可知其主今附食焉蓋鄉先生

濯樂於社之義是以爲公之祠堂亦無譏戊子
七月十日固始於子濤同年鄱陽陳伯游太學
南豐吳子序明經及余觴朝鮮金芝叟白仲紀
二從事於此約爲長歌子濤述陳石士閣學言
昔光州胡雲坡伯書善和珪和欲移二石於府
第不與固有隙及和將敗胡遂劾之或以爲和
之死由此以胡知其奸而盡發之也然則今之
撫此二石其可爲富貴交游之慨又何如耶二
從事詩先成而恐肆子濤詩侈異伯游詩清遠
幽疊多病詩不能工且視子序

罡風夜飈雙星根動搖光氣墮天開化爲二石極斑駁
籀龍天矯銀灣蟠縱丈橫尺左右列昔孰輦致剝山樊
自非豪家豈易購好事漫以前賢論憶在

仁廟太平日濟濟純臣爲時出公之清名

聖主聞薦表焜煌蔚州筆蔚州剛介復知人湯陸後先

兩廡匹

文正清獻皆爲魏敏果所特薦

至今言學溯蘇門嗟此緇衣好

誰述

文正已爲觀察從孫徵君執弟子禮近臣請徵君從祀亦以公爲徵君弟子人

廷奏公之

手澤原所思公享于此此石奇想當退食偶游燕胎筠

摩撫生春姿百年荒祠閉斷碣九天毅魂迴靈旗尋常

一卷似呵護壯士有力安得移道旁父老尙嘆息故相

思伯子堂詩集

卷九

十一

園林塵土黑，倒意傾情勢。莫當覆雨翻雲事，難測平泉草木幾易主。良嶽花石總亡國，徘徊堦下淚霑臆。烏虜玩物亦貴德。

十一日家際唐

煥文

明經招同紀摺方

鍾璣

廣文

十刹海看荷花遂至積水潭

我家海上君佔東公孫故壘，懽識面

余去年侍伯兄疾在莫州因識明經

孤雁經春悵北飛，何意憐才共清燕

廣文愛余詩故王因明經以見余

河蕭蕭蕩曉色，玻璃萬頃紅衣顫。天上原承湛露多人

閒未覺涼風徧，西山落日轉蒼翠。積水空明醉思嚙不

知，深夜玉蟾蜍流照此花復誰見。煙波十里鷗夢覺暮

霽朝光已屢變固應身世等妄幻那得去來總留戀
逢坐嘆解金龜苦憶尊鱸今可薦

朝鮮李石隱

在洽

主簿爲余作本國之歌因贈並

視金芝叟

老商

從事

廟朝金石客未聞世俗箏琶嘆至此登堂慷慨作高歌
七變五聲通樂理固知元氣暢太音其音和平匪悅耳
天將古意留要荒昔有聲詩使臣美

見漁洋先生詩

是日歲七

月之望西風蕭颯燕塞起清商一引爽籟發殘照荒庭
澗流水平生苦吟務激壯近酒消別風雅旨獨抱成連
未死心對坐蒼茫東海是從事
節顧我喜醉發狂言

驚吾子人閒秋至暑不歸風箴長安復何以李侯爲我
奏變徵噫嘻吾久憶鄉里

七月十五夜唐國舅開次早徧游玉泉山麓有作
一夜清秋月隨風出三泉光輝徧仙仗流照萬花圓言
采芙蓉去澄波蕩腰煙

羣華來往地嵐靄總娟娟

送芝叟歸朝鮮

我今堂堂及三十苦海神蛟凍潛蟄扶餘散髮復何時
老劒生花鏞銅泣舉杯一笑時仰天有客來自滄溟邊
雄冠戎服氣峨壯痛飲對擲珊瑚鞭問我何事苦鬱鬱

中無主男兒不能赤手搏長鯨白羽射猛虎便當剽
蓬茅守鄉土不然從游九州事歌舞我嘗南觀滄海東
登泰山燕磯虎阜雁蕩閒大江醉踏魚龍頑中原自古
戰爭地亦復錦衣擁銀轡哭英雄廣武原黃河不流
興亡淚烏龍潮落夕陽秋發興吹笛憑高樓玉顏宛轉
迴星眸桃花命薄西風愁十年八度狂淹留卽今抑塞
乃在此但求南宗一勺水自伯兄卒余嘗齋居素食不聽音樂吹毛刻骨
謗口滋百歲相從同速死我言未畢爲我哀要我欲上
黃金臺臺亦不復在人亦不再來煙沙慘澹蒙蒿萊赤
狐黑鳥叫嘯而悲摧似聞裂盡漸離筑送君歸去毋遲

徊君不見當空月君不見盤雲鵲孤摩健翮俯大荒極
遠清輝到窮髮殊方百里別莫悲半生慷慨論心期桂
雷瘴癘有人迹白日青天無盡時

芝史言余性剛直恐不免桂雷之謫他

日當思其言乃藥石也

八月三日陶然亭再送芝叟

秋雁南飛春向北我昨如此已嘆息嗟君此行不如雁
幾日翩然返故國今年雁去明年來君今一去何時回
蘄遼八月北風惡煙沙嘯地天崔崔欲別未別心悲摧
相持慟哭憑高臺君不見東西兩溝水合流分流復誰
使夢魂夜夜越關河何處今生不逢爾

芝史云今生生別了再見須來

世因而失聲長
號可悲感也

仲紀從事芝山書記石隱主簿並來告別口號送
之

居庸秋色鬱蒼然萬馬臨關踏塞煙絕海風雲盤百濟
大荒天地出三邊生逢肯綮無來日遠別深憐有暮年
歸到耽羅江上望月明應憶

帝城圓

蘭雪刺史招同人香蘇山館食蟹有作

秋風八度越王城涉世常嗟爲口行豈意病仍河朔醉
厭看月似海天明庾家鮭菜皆詩事張椽鱸蓴少宦情

轉憶仙人成久別三年不解絳襦輕

坐客皆詢福州離友

馬小眉

樹華

通守屬題空山讀易圖卽送之往河

南

君家桐城初宦江西今赴補河南皆以母老請近地也

萬山盤羣舒江漢趨皖口岡巒送波濤奔騰出牛首蒼然千里勢戰爭昔已久登高望金陵興亡閱杯酒吉凶自有道進退誰無咎荒荒龍眠雲蜿蟺擁崕嶺空青氣滅沒變動理可取君昨彭蠡游墨寶索盧阜君昨以白鹿洞手搨朱子字見贈 謫仙讀書處煙霞百靈守感此豈不歸求仕念將母天風吹黃河曠野驚沙响中原正秋色匹馬獨南走幸紆故山懷一占乾二九

送煥奎比部南歸

會合應離別看天何所悲祇嗟少年日初試獨行時風
露關河蚤舟車眠食遲春來共行迹再過莫相思
落落憐吾困茫茫對汝歸曾分子敬粟尙典少陵衣雨
暗馬孤往秋寒雁退飛征途試回首應惜故人非

禮烈親王克勒馬圖用陳恭甫夫子元韻

太宗兄弟皆英雄烈王百戰開元功星精下降獨駕馭
王歸天上驂雲從英姿久貌淩煙閣駿足未刻昭陵工
百六十載始補畫想見陷陳鏖沙蟲烏虜肉角桃花驤
其高八尺鱗盤胸鐵蹄洗創偶抱地絕漠怪水迴洪淙

自非神駒那有是猛利不數胡青驄憶昨明兵薩爾濟
惡若哮虎狼貙熊驚塵匝野裂畫角殺氣掩日寒蒼穹
王馳此馬怒赴敵一馬所向萬馬空王將誓雪

列祖憤人馬慷慨摧刀弓二十萬眾一鼓滅渾身血汗
燕支紅歸來獻馘將士喜嘆息此馬疑真龍維王材武
績屢最馬也奮勇如王衷魚皮烏拉騁蹴踏朝鮮葉赫
追逋窮諸酋競走拜馬首

威靈震懾三邊東固知

天運啟佐

命尙記錦轡垂纓璫

章皇躍馬幽燕中中原既定無哀鴻騏驎絕食隳悲風

王死與死爾則忠誰其感激汪張翁

國初汪堯峯先生既為傳嘉慶四

年王孫汲修主人屬張船山太史補畫翁

吾師壯歲氣

若虹秦隴坐甲憂羣公如今重見禽西戎騎駝吹笛游
腔嗣何愁冰山雪嶺巖峯惟憐創業勞鞭鐙故劒王

孫泣繡銅

李忠定公名印歌為李蘭屏比部作

烏犀良獄既繪東明宮蓬萊百器悲秋風一銀九金二
青玉慘澹盡化天山銅人閒何來此片石宛有姓字鐫
孤忠方長一寸略缺缺似出土蝕沙磨礧憶昔靖康始

遘禍山東大小名城墮慷慨登陴誓六師萬騎天驕卷
甲坐如何北狩終青衣十四殿壘不可歸非公當日獨
主戰金縢猶是朝廷非中興恢復勞十疏駿馬老贈韓
王去韓王亦有甲鏡存飄零畫本歸何處想公頭白竄
海天此印那得藏幽燕燕京劫火商輅燼感激故物嗟
完全公之名垂宇宙大不與河山俱殘破腰懸相印彼
何人忍使半壁南遷播君不見樞密印宣撫印紛紛掌
握讒奸進可憐天會奪國信同時孰撼岳家軍樓霞葬
骨霾愁雲流傳勒印三十字淚盡英雄涅背文維公勇
略兼文武顏李兩印曷足數昨者朝鮮海客來示我玉

雪神鷹舞上有宣和御寶鈴零朱裂蘭蒙塵土年年黑
水白山陰帝子游魂泣暮雨烏虬李侯摩挲此印傷千
古

王文成公礮歌爲蘭屏比部作

嘉靖七年夏五月新建伯王守仁造

原文

園餘二寸徑一

尺十四字蝕銅華老當時正撫田州還入寨尙阻獐獐
頑仙臺藤峽總瘴癘鑄此意豈威諸蠻金精夜泣霹靂
裂慘澹洞谿鏖戰血故國滄桑獨不磨不朽忠勳視此
鐵公昔手縛宸濠來鄱陽樓櫓驚飛灰倉皇憶賴青田
在臥病還山共可哀

明太祖於鄱陽湖幾爲飛礮所征
賴劉誠意令易舟而避得免

南再出勞王事父老拜棺空涕淚萬樹梅花編素迎生

歸庾嶺猶天意摩挲手澤無期年破鑄於七年五月八年春公卒於南安矣

今三百載留蒼堅文琴李印共後先忠定公名印信國公琴皆比部所藏

比部好古世所賢吾聞佛狼機害爲兵火最金元以上

史未聞好事援經釋以旂從知此轍古豈無世亂莫救

城焚屠興亡在德不在器嗟公所恃非區區

漢河閒獻王君子館碑王陵唐開元瓦歌爲蕭甯

苗仙露學植秀才作九月十四夜走筆賦

一磚猶存君子字一瓦可攷開元歲獻王遺蹟未全湮

苗君感此忘淹滯於戲我今三十汝四十自坐好古名

不立文章何處哭秋風荒陵故鬼應同泣維王昔日能
禮士開宮築館今誰似明皇初政亦喜儒守冢置祠存
王祀斷瓦殘磚變海田非君掇拾世甯傳無端遇合憐
微物有恨飄零廢壯年君不見漢家故關餘浮雲唐朝
舊苑空斜曛耕人自取長陵土老婦何知蜀道墳又不
見未央埋泥沙元康雜柱礎五鳳代已遙萬歲歸何所
久怨甘泉燼劫灰更悲銅雀毀高臺甄陶等是勞夫役
缺蝕惟看賸硯材從知富貴曷足道不以王賢此豈寶
榛蒙礫蔽一千春土花斑駁苔紋老幽州九月惡風多
登高醉望滹沱河蒼茫人事嗟銅駝手此出示三摩挲

於戲我能爲汝歌棄擲道路當如何

怨歌

瓊花高十丈照天丹霞光東枝棲白鳳西枝集紫凰南
枝鸞鶴顧北枝烏鴉翔烏鴉啄花落百神皆旁皇百神
淚如水花魂八日死招魂東海頭招魂西海趾化爲千
荆棘宛轉在懷裏吁嗟荆棘塞天北惡風滔滔南海黑

右葬
花歌

皎如挂玉鏡粲如懸金盤中有羣仙人霞裳壓闌干仙
人眉嫵綠一笑復千言玉斧爲之爛銀河爲之翻桂樹
爲之枯蟾蜍蝕其根迷離東西兔涕淚吳郎顧鬼火燒

瓊樓汝實干天怒重爲告曰左有孟勞右有太阿暗暗

天狗機槍摩吁嗟吳郎當奈何

右殺月歌

其浮無心其過無影一寸出岱宗萬變在俄頃客曰是爲雲我涕流紛紜雲之來在前山虎狼嗥天雲不還雲之歸在後山後山巉巉上有石仙人手割星根頑吁嗟仙之人兮何處雲蓬蓬兮上下去月慘慘兮天欲曙

右移

雲歌

太古五色石遠在崑山岡有鳥名精衛銜之大海旁此石可補天大海不可填哀鳴曰出血入石三千年西方有一人其名曰性空持此勸我食四體生悲風吁嗟前

有大海藏蛟龍我欲拔劍不可從爛爛血石當心胸

右吞

石歌

星齋蓮塘消夏圖

一枝柔櫓松陵道昨有千花送我歸絕憶今秋好華月
江南誰見卷紅衣

玉闌干照碧玻璃七二鴛鴦對戲遲花氣破禪詩夢覺
當時人畫不曾知

謝家詩思結芳塘春草年年入夢長今日荷衣擁煙雨

有人相憶臥金闔

謂令兄功甫

生長蓮鄉我未回負他長夏水亭開如何陳李都惆悵

玉腕同思雪藕來

卷中李春湖侍郎陳石士閣學詩皆有故鄉之思

陸方山

嵩

廣文歸吳門屬題小樓聽雨圖

霜落暮江秋江天有去舟還家太湖月聽雨秣陵樓

君將

候補江甯

世事餘黃葉詩心到白鷗相思更何地難畫獨滄

洲

寄懷木民大令山東

匹馬岱雲中乾坤幾轉蓬幽并仍朔月齊魯獨秋風詩
挾關河氣人憐道路窮鵲華對橫笛搖落怨青楓

洪三幼懷

符孫

洞庭泊月圖

朝進一萬言夕走二萬里出塞入塞悲歌起名父之奇

有如此君今倜儻亦豪士氣吞八九雲夢水爛醉呼月
洞庭裏洞庭迴盤九疑峯金波洗出千芙蓉湘妃夜起
鞭魚龍鯨跳鼉擲紛來從岳陽樓上鐵笛裂中有萬古
之秋風此時君正推孤蓬但見青天墮落銀濤中關山
回首更道路玉蟾照眼猶如故太行翠壓黃河暮蒼茫
匹馬前宵度弟子袁絲正少年論詩說劒勞余慕幼懷
河內袁蘭村大令署中誰知上界霓裳歌別來
園君之子其子小村亦美才也
無夢同蹉跎廣寒桂樹高婆婆不如斑竹三摩挲君看
斑竹年年淚畫裏分明復奈何

雪椒比部金陵策蹇圖

噫嘻龍蟠虎踞帝王州但與騷人策塞關來游可知六
代誰英流滄桑過眼餘荒邱先朝最好秦淮路樓鶴流
水秋光暮此日甯歌赤鳳來當時總怨斑駁度雞鳴牛
首盤銀龍烏衣巷鎖芙蓉窗青燐黯黯鶯啼殿翠輦迢
迢馬渡江騎驢一笑興亡幻鶯花自閱南朝慣宮門往
代有銅駝園陵是處無金雁憶昔嘗登燕子磯蒼雲白
霧黃濤園石頭一點如鷗沒京口千颿似鵲飛又嘗躍
馬鍾山上太祖功名慘在望英雄何日少常徐舉酒向
天天恨愴十年飄泊百不成猶能倚劒狂談兵圖中形
勝何分明是有青溪欲曉啼鳥聲是有長江怒咽寒鼙

并金臺再話金陵事不見雨煙四百寺終朝退直駕疲
騾駝背斷西山翠臥游卻喜生綃開且看雨花柳色
搖風埃三春絮舞常如雪誰更鞭揮夕照回

落花

紫慘紅愁看又稀露華煙態故依依榮枯似有天堪問
墮落曾無地可歸藩溷因緣皆夙劫泥塗歲月少生機
傷心遲莫桓司馬衰柳重攀絮盡飛

金鈴空費護持心蹤跡飄零未可尋吹過游魚黏赤尾
蹴來舞燕點紅襟一生電露隨朝暮三月滄桑閱古今
輸與白頭奴見慣家家興廢話園林

天涯春色勝秋霜空谷遲衰讓國香
聽雨聞風心彷彿
登山臨水意蒼涼中年親故悲歡易
末路英雄懺悔長
回首蝶蜂同一夢北來南去爲誰忙

黃山老布衣歌

九月二十八日走筆賦

布衣汪氏鎬京名款人晚徙江都祖爲明良吏
考爲良士布衣國變後不欲仕子孫皆不仕曾
孫中始以拔貢生爲江淮名儒元孫喜孫能繼
家學今爲農部郎布衣通小學博攷秦漢金石
爲篆刻以資游山足跡遍天下焉凡遇名山皆
鐫品其奇積至數百石康熙閒桐城張文端爲

之序新城王文簡宣城施學士皆贈以詩今農
部復乞余詩惜其數百石大半毀於火存五十

三石皆品黃山之奇者

於戲噫吁悲哉煤山痛鍾山摧三山復不守五嶺之山
鬱鬱空崔巍麻衣痛哭黃山來江湖白首猶遲徊賣象
不省人間年五嶽兩戒歸鑱鐫一峯一石盡感激滄桑
滿目餘山川淒涼抱向長安邊尙書嘆息宰相憐陰風
鬼火燐爲煙存者豈以山靈全山靈相待老不返蒼茫
白日淮南晚泗鳳園陵看未遙清明好謁持盂飯兒孫
看月死揚州共此傷心甘偃蹇於戲噫吁悲哉宋明之

亡多義士父老久尙哀天子廉吏後迺有此此蒙幸與

秦金漢玉

農部所藏

俱珍祕上有銅仙舊淚如鉛水君不見

謝臯羽出入金華記洞府不向長溪歸葬骨西臺土愁
魂夜夜繞冬青長溪卻與同千古於戲噫吁悲哉黃山
雲長溪雨

思伯子堂詩集卷十

建甯張際亮亨甫

十二日對雪作

己丑

今年元日已立春等閒未識東風面終朝憶家兼憶酒
溪上寒香夢都徧多情天與送瑤姬縞衣對舞當簾顫
正疑一夜月孤明玉樓飛盡無人見開門望遠轉忽忽
空青如水那可嚙幸教粟麥繼豐穰且任關河減歡讌
江南此時雁北嚮故鄉有書憑誰先扁舟興盡不成歸
要待相邀掩秋扇

十五夜作

思伯子堂詩集卷十

一年月好今宵始百里山行去歲忙

去歲是夜自玉山至常山漸覺

雍容成倦客尙虛朝請側諸郎清歌倍切桓伊感

是夕觀劇

博塞真登彥道場愁病不將歡笑廢醉看煙火坐西廊
豪氣元龍悵漸除周郎年少飲醕如相從半月呼盧雉
何處東風問鰕魚舊夢桃花流水遠新愁桂樹故山疎
天涯照徧團圞影傾倒金尊莫負渠

戲具

十年纔去得二字聞君讀書復奚事要知得失漫關懷
科名到手等遊戲酸寒何曾值一錢此時多少貧無煙
便風百萬笑投馬坐開廣廈流觥船

右狀元籌

鼻頭出火耳生風呼鷹躍馬大澤中我病不學曹景宗
那憶牽犬上蔡東登場一笑聊相從殪來虎豹斑斑紅
鹿獐雉兔狐易盡苦逐獅子羣爭雄

國家馭象一十八獨難圉汝參元熊傳聞昔日貢西域
脫歸頭刻臨河潼邇來戍卒或設語撲月每見墮崆峒
眼前孤注似猛突赤手相搏嗟無功

聖人歲獵南海子儒臣習射多雍容棘闈七戰已七北
何時扈從轡長弓坐愁對此但歎息欲歸拾栗隨狙公
右打獵

萬侯遺稿王郎錄吳下浙西屢速獄信史今存三尺書

倦游坐笑何曾讀翻憐遊戲託深心一紙已見前朝局
銓選猶堪溯沿革升沈不獨分榮辱多應故老感滄桑
了了賢奸使在目健者誰曾數董公佳人自愛爲孫叔
我求將相輒退後平生可信無官福醉思東閣看梅花
不夢圖中入都督

右陞官圖

二十三日城上晚眺

故里歸何日新年望欲愁地寒如絕塞山迴接雄州去
鳥看生事孤雲對倦遊空知憶春色醉擬折花休

二十四日再登城遠望楊柳似有綠意

皚皚雪餘地微微春映煙誰憐少生意自覺憶當年老

大悲司馬歡娛滅樂天永豐西角樹知在阿誰邊

次日登城再作

蒼莽重蕪外天低起暮陰沙平一馬疾風急萬鴉沈歲

月餘知己關河負此心方當愧王吉曾未役陳琳

去冬禮門

先生招掌書記及至未嘗與其事也

獨居感朝夕遠望屢登臨歸騎看成誤呼鷹思不禁寒

原杳空闊落日動蕭森那得同投弩高原射隼禽

遠燈如獵火向晚著疎林鸛鵲盤空小牛羊入縣深地

荒容簡率客久廢招尋燕趙曾多士悲歌獨至今

去日同春夢蹉跎未可尋倦游熟人事失意見天心榆

柳荒城閉冰霜野戍陰翻因看花眼一醉國門深

故人多北向蹇策正駸駸雁逐來時路鶯驚別後心暫
離猶隔歲回眺欲沾襟可憶塵埃下張衡病不禁

百里連清苑空推

尋衛門森擁戟入幕懶斜簪禮

法寬繩阮交遊近去任

師在都下以
余多客爲戒

疎慵望喬木尙欲

息餘陰

樗散嗟何用頻分愧俸金

鼎甫師禮門明府雲麓吏部
樹齋太史頻年皆有假貨未

償也洛陽五噫淚同谷七歌心雲木吞山閣風泉倚夜琴

自然長道語誰訪舊園林

青蒼滿河朔千里太行陰塞日飛狐墮邊雲鉅鹿深清

時慙短褐多病厭華簪身手看兒健吾將老碧岑

五嶽遲婚嫁名山笑向禽愁縈兒女夢望極歲時心
色催清角春寒戀綺衾多時天際月流照臂纏金

濡滯歸何晚飄零感倍深憐才奴婢共

明府戒其婢作僕皆無失禮

賦主賓任苔老鏡移石花稀坐聽琴登高莫回首野曠

夕陰森

署中舊有一石明府謂似雪浪囑余爲詩鏡其上爲來者韻事

聞雁

東風二月捲沙飛塞雁紛紛復北歸莫向江南苦回首

滹沱河上正斜暉

得芝叟書

思伯子堂詩集

卷十

四

大荒萬里尺書來，隔歲緘仍晦。日開風雪出都吾，再徙蛟龍壞屋汝。堪哀生逢持節知何地，臥病清時愧不才。愁向也東北望春空，過雁爲誰回。從事諸人非充正副使則不能再至

驚沙晝捲朔方寒，蘆管春吹塞柳殘。風日蕭蕭盤上谷，水天浩浩圻桑乾。公孫父老歸遼盡，司馬威儀渡海看。夢裏扶桑最高處，芙蓉不死長青鸞。

絕句

枕畔春鴉曉亂啼，夢濃於酒欲歸迷。東風半面桃花影，吹斷銀箏小閣西。

螺女江頭大小橋青衫餘淚送春消花飛絮攪渾無賴
付與誰家笛外潮

飲馬螺江東渡頭飛花飛絮攪人愁可憐一滴青衫淚

分付春潮日夜流

戊寅春在福州作也今忽忽十年偶感舊夢附錄此詩

四十垂肩鬢有絲天南地北寄書遲

謂未

中年哀樂同

多感陶寫方嫌說與兒

水曲沙墟夕照中萬桃花擁踏春風分明十五年來路

誰向黃州見落紅

黃州在邑北門外桃花最盛乙亥春每與嚴山看花竟日

白髮今年八十三吾家舊事總能談不知誰負藍輿出

玉版山中正好參

臥雲先生余姑夫且受業師也丁亥夏秋見於圭峯寺中今又二年矣

三灘一別又三年
拚待郎君到眼前
若問離愁兩深淺
蠻風塞雨欲花天

丁亥春來丙戌書
勸余歸臥舊園廬
只今始覺師言好
塵土三年鬢已疎

恭甫師曾勸余歸

遠憶泉州更建州
福州還戀十年遊
子真谷外花連水
宏景山中月滿樓

大千世界幻微塵
少見恆河壯未真
著徧天花餘結習
百年惆悵水風輪

年年向後思饑蔗
事事當前苦望梅
三十封侯今不夢
邯鄲拋枕愛歸來

丁亥春姚伯昂學士以詩稿見示有紀三河人每
歲謂龍伐木長歌一首最佳余欲爲和之因留其
稿數月後竟不果近閱紀文達筆記記河閒又有
所謂燒海者其事頗相類又皆在直隸郡縣亦可
異也因賦此詩

我雖澤國仍山居苦飢但將蹲半鬚豈知濱渤富靈怪
駭人耳目爲嬉娛鼎新革故儻有爲伐木出火疑爭驅
鯨鼉呌嘯颶颶惡饑饉沸潮頭枯水官夜又卻走立
蛟奴貝母紛僵蘇巨鼉十五搖三壺月燹天圻不可扶
仙糧煮熟烏銜石神方燼盡龍守書夜來有匠聞喚役

入海造屋修椽榼，
黑衣八九者，誰子年年腰斧三河墟。
常從老嫗醉，夜宿扁店曉視蹤，
全無腫材癭樹根，節大隘波塞浪空。
須臾瀛壖不少扶桑株，
萬年花綻紅珊瑚。民貧土薄罕種植，
爾何所取食？且愚上梁未報李賀召。
好文亦與張堅殊，
誠諧曼倩偶莊語。
文達以善談諸聞天下謂此
洋舶遭焚如那似玉堂得佳句，
絕勝說鬼談妖狐。
文達多言鬼狐事筆記
大荒神異豈有定，
翳經郭註甯多誣。
憑誰更與
熱犀角淋漓妙寫閻郎圖。

小雪浪石詩

東坡先生爲滕大夫賦雪浪石詩，其石今在定

州

行在禮門先生嘗見之謂博陵署中一石殆相
似屬余鐫之爲詩備來者觀因次東坡韻三首
蓋不能工也

嗟我三十猶蒙屯公時慰我呼鵠尊太行蒼翠萬馬立
落日醉看橫雲昏一拳坐嘯足醒酒不須漱齒煙霞村
公言此本似雪浪惜君未謁離宮門我聞摩挲復嘆息
山骨幸遭依花魂沈埋久漬土膏脈嵌空乍裂鍾乳根
便令不似意亦得過眼了知春雨痕人閒有物總傳令
癡豪牛李何當論偶煩袍笏與下拜供養豈必高麗盆

岷峨仙人儻一笑蜀江誰訪離堆存

高崖暗谷頑雲屯峻坂九折輕王尊戲翻龍湫瀑布墮

笑踏日觀煙埃昏盤空削峭灑飛雪十年夢冷芙蓉村

雁宕之奇以瀑布泰山之石亦偉異余亡卯十一月往游從西外谷入始宿於芙蓉村去年二月十二日游秦

山卽今作詩之明日也那能浹歲此月日手摩萬石凌天門坡仙

一去二百載江山多少風騷魂都如眼前磊落物來去

出沒紛無根自非公子頗好事入地久蝕沙土痕

外土中嘉慶開前令畢秋帆官保之子大飾廳署始移置此定州獨邀

至尊賞人生遇合憑斯論誰當後來更汝惜不等老瓦

田家益從公話舊莫惆悵皺瘦中有潮頭存

珠輪玉帳旌麾屯漢家昔建王子尊千年廢城走狐兔
但見老木頽陽昏誰憐富貴齏吾苑不如寂寞程委村
河南二程子其祖居此地今爲程家村有墓存焉我居四月每遠望聽琴慷慨
嗟誰門時從此石一俯仰愁雲漠漠招天魂關河萬里
客日夜鬢毛坐恐滋霜根但供摩撫豈可鑑質蒼理白
迴波痕公能爲我劇傾倒細事快意無不論別時紀知
賦微物莫蝕風雨折翻盆沈香後來有伯仲定武應以
勝侯存

花朝

寒食春風取次來花朝未見一花開酒邊河朔英雄盡

夢裏炎荒歲月催
臧穀亡羊誰得失
謝王殘燕又飛迴
蓬蒿滿目應無憾
白處平生在不才

二月十三日晚步至城南積潦一區殘柳十數樹
依倚望月條然忘返盡余倦游久矣是夕頗覺有
山水閒意因成此詩

關河何處無明月
風塵回首有華髮
林水方同濠濮觀
吹衣況與溱涼颺
君看古來賢與愚
廢井誰能保苔骨
只應勾漏就丹砂
笑累豬肝行不發
城南此會印履跡
過眼吹沙等閒沒
心憐柳下潦中天
倒影一點寒棲鷁
那會解擇巢已安
正任微淪緇空滑
真念皆妄妄豈真

慙愧當前好結襪巷深閉火擊夜柝歸坐薦茶情忽忽
煙霞入夢了無痕莊舄三年爲吟越

贈何三亦邗

禮門明府
哲嗣也

少年眼見徧

皇州爲汝吾當讓一頭錦水要瞻嚴武節竹林方共阿
戎游長途自識慙師馬陰德家傳勸帶牛還憶仲連臺
上嘯齊雲燕月隔茲邱君於三月當省其外舅於聊城
余於廿六日當去此入鄒矣今
以同步月城隅感數月相禮之
意不能無言且致相勉之意也

北楊村顏習齋先生故居

游夏同師意自賢容城

謂蘇門
先生

方軌陸

清文
獻湯正

先關中

父老知楊震

先生在今多呼爲顏聖人今稱然也

海內門閭式鄭元別縣

謂蜀縣

平蕪連落日荒村喬木澹春煙北楊井社通程委

名世重看七百年

程氏遷河南三世而二先生生習齋先生其父亦養於蠡縣先生壯而始

也歸此

十八夜大風

萬馬望雲夕蕭蕭風滿天沙驅戈壁裂滌嘯海颶懸吹
麥妨農事驚花損曉眠雌雄更誰喻宋玉病多年

感事

紛紛耳食本非聾但見金夫豈有躬巾幘何當慙仲達
墓碑幸免述姚崇但能欲殺真知己頗惜殘年滯寓公

地下王郎還識否要從伯相問初終

聞雁

北風吹落月一夜滿關山看盡南飛鵲蕭蕭曉雁還春
巢過塞擇邊騎避弓彎倦客兼憂患驚心獨語蠻

二十二日大風

獵獵掀沙石乾坤慘澹閒寒陰蟠上黨風力割中山扇
曉烏鴉噪生寒驟馬還江湖有孤夢吹斷尙知還

將去博野感懷別禮門先生

欲去嗟何爲馳驅不當還風塵盤馬矢草木蝕沙痕花
斷春欺眼天晴酒慘顏故襦空自棄歲歲入秦關

歧塗久趙北故里隔東甌小異州人坐長貧季子游道

逢慙駿骨得失笑羊頭去歲以母老家貧欲援異日傳

流寓差無作賦樓先生待余始終無異故云

南去潯沱水蕪蕪有故亭少年思許

國殘夢豈因星余昔嘗夢至天台見僧眾數百人膜拜

余者但云此處安得有狗余願則身已爲巨棼矣有紅

衣玉帶自天而下者尊宿與作禮其人指余曰此二十

八宿之狗精也故轉世頗有文名師宜超度之尊宿云

是向有人待之不可超度其人竟升天去余猶膝行號

呼尊宿前則夢覺矣史謂雲臺諸將上應寂寞英雄事

飛騰戰伐靈驅車一回首著述報

形庭

膝上王文度閨中曹大家南樓美賓從北海感師儒

懇為覓顏習齋李恕谷二先生遺書寶劍身名託浮雲去住俱他宵看明

月不獨庾公孤自先生哲嗣伯季外署中諸君待余皆禮意深厚情不能忘也

父老思何武清原畏眾知還勞資陸賈每話憶南皮春

水空前迹桃花是別時即看孤燕在原戀舊棲枝先生及哲

嗣同事諸君皆約余再至故結云云

風沙日蕭颯車騎意遷延落日桑乾水離人寒食天薦

書誰狗監失路自鵲肩正有關山怨秋聲促笛筵時度曲人

某來自都門

保定

朔方千里首圻封翊衛

神京節鎮雄周服王官大司馬漢郊父老右扶風西來
秦晉山皆北南去滹沱水自東吹徧驚沙春二月海螺
聲斷夕陽中

二月八月吹海螺於城上
日響城是日正過此也

安肅

琵琶作雨洒聲殘馬首風埃慘醉顏春在夕陽楊柳綠
天低衰草鷓鴣斑孤城漠漠沙邊戍歸路迢迢夢裏山
惆悵少年游冶倦尙尋屠狗向人間

將抵都門寄南來諸故人

南北飢驅歲月深長安空自碎胡琴三年衣上黃河色

萬里春前白雁心寂寞笑人慙鄧禹梟雄情死感王欽
舊游好在愁相見惟有風塵鬢髮侵

愁病年來倚夜燈故人近喜各飛騰二千石徧空思雁
九萬風孤尙笑鵬失足關河同蜀道側身天地語韓陵
國門須作登臺嘯嵇阮清狂我尙能

張桓侯祠

世祖龍飛白水年南陽將相半雲連誰知分共蕭樊後
復見材居馬趙先炎井威靈分漢地解梁祠廟徧吳天
歲時風雨樓桑夜錢馬魂從蜀主還

樓桑村

車蓋如看向夕陽千年遺廟拜樓桑益梁南北三分統
河沛東西二祖鄉龐法同時羞噲等關張異日感彭亡
秋風白帝城頭望魚復天連涿鹿長

割據誰同笑子陽功名遲暮及榆桑英雄天下爭王土
父老江東說婿鄉竄迹蛟龍曾敵附傷心豚犬似人亡
東陵草木皆蕭瑟蜀道魂歸萬里長

莫望粉榆弔范陽成都八百盡遺桑徒先王孟偏安國
何似崔徐必故鄉蜀地不爭終竄逐漢家已見再興亡
鞠躬未敢知成敗直北墜中淚總長

赤精委洛陽揮戈誰更返扶桑寄奴伐荻開他代

先帝歌風失此鄉餘井再炎空火烈大星俱墜實天亡
易京百里無人間故里聲靈愴獨長

涿州

黃塵白草夕陽斑一片孤城慘澹閒雄鎮裂殘唐社稷
斷溝流盡宋江山奔雲萬馬皆南向叫月千鴻自北還
正有飄零燕塞淚暗風吹去落紅關

宏恩寺

涿州道北宏恩寺僧言始自

仁皇帝入門松檜各蕭森黃梅擁影如姝麗似應春至
解近人一樹坐看花有意朔方二月乍解凍江南夢斷

思伯子堂詩集

卷十

十三

飛紅際倦游愁眼那曾開對汝因憐久憔悴蒼龍吟嘯
起風色我行何處身非寄試留陳迹問空王二十九日
己丑歲

蘆溝橋

太行萬馬鬱飛騰迴眺神州積翠憑分陝河山開四路
出關風雨合西陵元明道喪無餘險幽朔春寒有斷冰
落日重門吹角處煙沙颯沓好呼鷹

定興

名城寂寞似荒邱兩漢人倫定可求遺老獨傳周黨退

謂杜紫峯越

黨魁共望孔門投

謂廣太僕父子

夕陽銜馬來清苑古

成盤鴉向白溝回首椒山祠下路忠肅公墓道在城南十里北河驛今有祠焉存風塵四度敝征裘

清明日移居蓮花寺作

舊是詩人宅

樹齋太史昔居於此

今宜倦客居關河遲上冢風雨

正移書寄迹地無定觀空心有餘只憐庭際樹生意太蕭疏

抱經草堂圖爲楊荃泉

登訓

明府作

二十足跡半天下三十奔走如疲馬敝廬雖在不歸去
出門西向何爲者久看富貴等露電難遣愁根飯信捨
新詩過眼卽陳迹了知身世何真假中州氣清衡湘窮

九疑青蒼映波瀾誰騎白龍叫虞舜斑斑修竹霖盈把
千年秋色草堂閒想見高曾意風雅竭來相對話鄉國
古寺共此燈宵地我已倦游厭求仕不祥方訝金躍冶
先生政成傳家學故園終與添梧櫟洞庭南畔或重逢
梁鴻要投伯通序

曹烈婦詩烈婦魏氏山東壽光縣王戌進士現任
交城令來田之女故太平令李炳彥之

媳夫曰
翔辨

皇帝七年冬十一月初九投環殉其夫魏女李氏婦吁
嗟悲哉乎化山雌雄鳥雙雙哺其雛雛死猶踟躕雄死
當何如嗟婦之死不顧其姑夫有弟事姑嗟婦之死不

可以後夫吁嗟悲哉乎西望太行山十步九折愁攀援
婦昨于此還嗟婦之生如此崎嶇艱東望岱宗山下有
大海出沒蛟鼉鼉有鳥銜石海不可以填嗟婦之死有
恨不可以言使汝父母涕淚常潺湲泠泠七絃絲彈出
孤鸞悲團團十五月一缺無圓期使人仰望側聽皆嗟
咨吁嗟悲哉乎使人仰望側聽皆嗟咨岱宗之東太行
之西嗟魂其曷歸兮吁嗟悲哉乎嗟魂其曷歸兮

潘星齋續庭兩公子並有詩枉贈賦此奉酬兼約
爲看花之游

機雲年少來吳下文采羣看動洛中未許朱張先闊闊

方繩遜抗竝公忠仙才豔勝芙蓉水東詩云夫容花豔秋共尋蓋去秋試後作也倦客遲如荳蔻風昨約看花歸遲未果爲報天涯知己在莫教花事負恩恩

紱庭公子玉臺麗美圖

王謝門風左鮑才雙成福慧自修來金臺三月眞飛絮付與新詩滿玉臺

仙郎家學本趨庭閨閣才還壓浣青謂錢浣青雪水吳門較

風調後先都有織雲星近歸安葉鈞潭方伯父子兄弟皆能詩其母太夫人嫂陳夫人

及方伯之婦詩亦工有織樓合刻稿實閨秀之雄也

三鳳才華各不羣定教太史奏祥雲他年海上瞻持節

夢看摩崖女士文

乾隆閒汪學士督學吾鄉其夫人方氏代閱卷極精審嘗同學士游鼓山

摩崖大書云錢塘女士方芳佩游此其風度可想見矣

清歌重惜少年場絕好風懷詠夕陽傳語有人相憶久

可能皐廡寫鴻光

圖爲家秋水先生鑑作作秋水有夕陽句云道遠似傷垂老別清歌重惜

少年場余十年以來嘗向人誦之

星齋紅蕉館詩鈔題詞

大雅雖微有正聲尙書

沈文憲

餘論半新城

王文簡

新詩意

到青邱後無限蘇臺曉月情

太湖落葉晚蕭蕭返照無多去帆遙七十二峯半秋色

詩家涼意滿楓橋

鳳巢也似鳳池園

都門有第曰雙鳳巢池園吳門舊第也

小院春陰花滿

門翡翠屏邊酬倡出江南雲影尙留痕

稿有舟中與尊夫人聯句詩一

樟江南夢易醒雲影低遮翡翠屏夫人佳句也

曠代王

舟吳村

溯太倉雲間

陳忠裕

健筆亦飛揚期君大

手追騷雅莫問高名拂水莊

錢虞山

雲麓考功覓句研

考功文采似髯蘇天與當年好鳳味辛苦吟成惟汝識

肯將換作研山圖

星齋以其室琇卿夫人澹墨桃花索題

管家竹意徧江南又見鷗波墨妙參

鷗波館君夫婦所居也

似送

扁舟千尺水照將清影落春潭

新製桃花絕妙詞爲他別寫好風姿萬紅如海歸何處
憶到瑤池月曉時

天教新婦配參軍絕豔清才兩不羣畫到遠山餘墨在
一時畫出武陵雲

東陳登之別駕

今年聞汝病經春寂寞空來作比鄰廷尉宦貲愧吾仲

元方兄弟似先人雪天瘦馬詩猶在丁亥二月朔同君及子鶴看雪於陶

然亭各霜夜寒蟾迹已陳丙戌十二月乘月踏凍寶劍至龍爪槐四鼓始歸

摩挲各蕭瑟終看變化合延津登之以貲爲別駕非其志也余落拓視君又甚

矣強爲交勉之語
君當爲一笑也

三月二十八日徐廉峯黃樹齋兩太史招同永豐

郭羽可儀霄順德簡夢岩鈞塘江甯管異之同馬

湘飄沅江都汪孟慈喜孫湖口周雪橋仲璘侯官

李蘭屏彥彬錢塘龔定庵自珍益陽湯海秋鵬無

錫顧兼塘瀚山陰杜尺莊煦稼軒寶辰父子南豐

譚桐生祖同菊農祖勳兄弟吳縣潘紱庭曾綬山

陽潘硯圃德興休甯徐洛生卓長洲吳清如嘉淦

瀘溪盧籟亭猷餞春陶然亭分賦得客字未至者

紱庭之兄星齋曾瑩鄱陽蘇賓隅孟暘監利龔木

民潤森

西山終古爲誰碧
閱慣滄桑如過客
六百年春大可憐
年年花落成陳迹
登高遠望可一醉
醉起狂歌拓金戟
或教幸識元魯山
何妨欲殺李太白
關河吹綠等閒徧
要逐東風整鞭策
敢怨飄零道路艱
不到豐臺乃堪惜
西山終古爲誰碧
人代茫茫如過客
并花朔雪自千春
慘徧桑乾了無迹
問君何似賀知章
問我何似李太白
登高醉舞拓金戟
此日不飲何足惜
君不聞天山戰士
已還家
江海羣英復射策
三十勳名苦不如
炎天獨寺雄關驛

次日星齋紱庭招同宋于庭

期鳳

吳清如餞春

舫星齋有詩奉和次韻奉柬

容易流光感鬢絲深杯百罰未應辭欲成乳燕看多日

正似殘春住幾時

余以二月晦自保定抵都門茲又將于役莫州矣

萍跡絮餘

催別早帶圍花晚待歸遲

擬於四月二十後復抵都門一問豐臺芍藥也

少年

竝擅黃門筆置酒爲吾洗惡詩

莫州作

平臯返照綠林明寂寞公孫有廢城七國雄邊劃燕趙
九河故道失滄瀛猶看貨幣遺荒集且喜田廬樂歲成
瘴海家山六千里暮雲南望不勝情

五月初四夜於莫州送四兄南歸次早余返都門
是夜雨宿於固安城北夢中得句云風雨對牀思
舊約江湖滿地待歸心覺而悵然因足成之

歧途南北又分襟骨肉中年感倍深風雨對牀思舊約
江湖滿地待歸心阿奴奉母應終老季子求官只苦吟
回首河間卽天外

計兄是夜宿於河間郡城

瀟瀟愁響莫成霖

五日獨遊尺五莊漫作

今朝好風日誰共此游閒連雨暗滋樹晴雲孤戀山金
華覺衰髮生事慰酡顏已寄宗文語中秋吾定還

游魚依密藻乳鴨戲新荷風柳晴光泛水亭涼意多吾

家本江海幽夢足煙波復此一成醉心悲漁父歌

郭羽可孝廉枉示謫芬堂稿賦贈

駿公不見漁洋死北宋南施少替人四海知余久蕭瑟
一時對汝各酸辛傷心弟妹羈同谷蒿目黎元失鬲津
余累遭骨肉之痛先生亦然稿中河
決嘆極佳余向亦屢感河務有作可嘆悲歌共身世
未聞薦疏起風塵

叔度如今未易才

樹齋太史

多時期我待君來三邊共弔滄

桑往百越將衝瘴癘回

余旬月南歸矣

短褐茫茫看落日暮雲

故故傍荒臺嘶風萬馬空嗚咽憔悴人閒好郭槐

別來章貢復如何眺盡天涯夕照多便老匡廬驚歲月

莫迴砥柱障江河病餘箸述秋風客醉後功名春夢

寥落東南徐鉉在尙看斫地共哀歌

徐東松明經詩絕工君同里中表也

竹實無存老鳳饑亭亭直節有餘悲

羽可畫竹新詩涕名一時

淚秦中感

羽可新樂府最佳

短鬢蒼涼鄴下時

樹齋廉峯兩太史洵秋祠部羽

可星齋絳庭暨余七人方約爲詩社

名晦何曾干造物眼明坐與閱羣兒

揚塵試話滄瀛劫淒絕今來兩導師

太夫人夢一道童入室而生羽可余

亦厥有異夢樹齋太史嘗戲謂余與羽可前身皆老僧理或然耶

文與可畫竹爲孟慈題

東坡昔愛與可竹七百年來好在目懸柯挺葉忽蕭森
落墨無多氣滿
世人胸中苦食肉那有材槎生肺腑

要知作畫如作詩，詩酒發興意已奇。卽看堂上纔一枝，
千翎萬舞龍鸞姿。鳥序益慈，慎寶之何爲？欲易明朝炊，
坐使人笑東坡癡。

潘星齋索題顧南雅學士梅花畫卷

我昔夢游太湖洞庭閒，上有七十二點青煙鬟。萬枝香
雪倒照水縞衣，對戲仙人頑天風吹月落何處。一宵酒
醒空來還扁舟，過此復五度鄧尉可望不可攀。君家金
閨邇光福，看花歲歲緣匪慳。卻從丈人乞此畫，豈感燕
市羈囂闌。丈人作畫偶然耳，落筆乃似懷家山。山中遲
暮誰解惜，胎禽丹頂徒斑斑。安能喚汝好守護，不使霜

露欺幽屏人閒清寒苦太甚流落相見俱愁顏蒼茫萬
古風霜氣併出紙上意已艱屬君珍重挂素壁儻勝玉
照瑤光環君不見丈人年來衰鬢幾那可慷慨言病癡
蕭疎偃蹇長安道不寫梅花但閉關

評梅山館圖爲周夢岩

作楫

太史題

我有萬香雪胡山空月明寒雲凍相待老鶴夜孤鳴仙
客昔持節猶思歲晏盟天涯對圖畫共此信芳情

臨頓郊居圖爲功甫星齋絨庭兄弟題

負郭佳山水裁詩好弟兄寒雲洞庭翠曉月太湖明几
硯成圖畫交游謝送迎如聞輞川曲更寫鹿門行

爲絨庭題南雅學士梅花畫卷

先生胸有梅花春爲君寫此非無因少年朗抱若冰雪
合與歲晚孤芳鄰不知空山皓月下幾人種樹鋤寒雲
空明疎影夢不到紙上忽擁橫斜真荒唐羅浮意縞袂
豈有送酒仙逡巡折來幸免愴杜甫品題何惜遺靈均
卽看畫中好位置脩然逸態離埃塵固應遠過楊補之
新詩感慨世豈聞天涯撫此三嘆息故園老幹蒙荒榛
未能手移插晴昊弟兄知我將奚云

信貞婦畫爲孟慈題

寡婦離鸞久罷歌淒涼素鬢欲如何君看衰柳殘蟬外

風露人閒怨已多

寫出空山冰雪姿黛凝曉額費遲疑縱無流水樓鴉句

已似王郎悔少時

先伯兄嘗於吳門市畫梅一小幅題云別標高韻通扶搏香雨霏微引百

官曉額浮酥凝淺黛早將春信報平安吳會女史許飛雲天衣氏寫并題余愛其畫而詫其詩似平康中人語

後乃知爲詩人某之室亦節婦也然則卽一詩以覘人生平者不亦過歟

客老遺辭半不存

孟慈尊人容甫先生有跋其字大半剝落矣

百年誰與慰

貞魂數行殘照紅橋影慘澹西風落墨痕

神木歌

契丹旣霸金元來成祖北徙真雄才西山鬱鬱宮觀開
三邊地瘠無奇材萬夫涸水運斤斧有木何能出馬府

蠶叢烏道失險阻晝夜自行若風雨父老哆口兒童驚
辟易萬歲三呼聲羣臣拜表賀聖明神物自此留燕京
烏虜燕京五百載有明區區獨汝在當時苦費朝廷采
至今坐閱江山改輪囷臥地如海虬嵯峨向人如水牛
紫光黑影如山邱中空外裂氣四周父老怪詫兒童笑
樵夫來踞雜叫嘯蒼蒼日落飢鼠掉黯黯野闊陰燐照
烏虜一木悲後先何況回首興亡年孝陵楓樹殘僧憐
秦淮楊柳遺民遷側聞昌平十陵殘威靈尙畏成祖獨
扶持木石消慘惻倂鑿鑿銅鐘思禍福英雄有物皆滄桑
木妖末葉何足傷百神呵護吾彷徨烏虜此木頑不祥

吾聞豫章扶桑石可得翳海翻風太古色霜摧雨飲道
路側汝來何用可嘆息

送桐生孝廉之湖南卽次贈別元韻

三年作客屢燕市千里憶君游洞庭洞庭秋色半吳楚
水天涵澹魚龍停君山挂月洗皎鏡嬋娟照影來湘靈
卻登岳陽想瑤瑟浪花濺雪浮甌飭君從此來歲未暮
笑傲浩挾風濤行復從此去曾幾日醉吟官閣鼙鼓聲
絕裾不作溫太真同舟已似秦與膺許珊林孝廉同歸玉堂仙
人亦夢耳丹篆吞得幾三三嗟余落拓賸此身羈魂夜
夜縈孤檠關河隱寫畫絲竹頽仰未覺諸緣輕新詩惠

我豁愁眼譬彼刮剔開翳盲深憐遠別在旦夕五斗不
解離觴醒尙期白首共卜宅種梅千歲如銅坑

楊雪椒比部聞余將行屢屬爲詩感懷有作

十年官領白雲司萬里人思滄海湄返照江河鴉陣陣
暗塵城郭柳絲絲孤征到處迎涼早薄宦相看戀別遲
傳得成連流水曲天涯何許此鍾期

南北栖栖悵轉蓬田園蕪盡故山空彭聃要述因殷禮
吳札差知自鄒風天地蒼茫看老馬江湖蕭瑟憶冥鴻
一歎好去頻回首感激難忘有數公

過眼浮雲萬事空百年恩怨總恩恩不慙許劭違陳寶

肯罵曹操累孔融剪燭多時懷夜雨挂帆無恙待秋風
欲歸便覺歸容易誰與尊鱸寄寓公

聞道虛名畫餅同不須垂白動王公尹邢一泣情原妬
牛李千秋論白公座作驢鳴慙宦達劍成虎氣託英雄
飄零鐵板銅絃唱猶許關西壯士風

骨肉天南嘆遠離聲華日下看交馳鄉巷久無人過
京兆家方有母慈辛苦窮途迴轍日飛騰破浪利風時
三壺不隔神仙渺一帆應憐弱水遲

未貴論交好閱人每言曲逆不長貧難酬國士千秋望
易壞羣仙萬劫身歷歷去時空自老悠悠好夢竟誰真

看君變化爲霖雨文采風流乃一鱗

徐健庵司寇遂園修禊圖爲廉峯太史題

一翁凭几臨池邊周金然年六十四池上之屋翁四焉一翁執

筆坐右顧王日葆年七十二一左握卷如周旋許儼曾年六十八對坐

一翁近長筵黃與堅年七十五撚鬚側俯畫者肩禹鴻臚之鼎岡上

對弈三人連一翁落子雙指駢何棟一翁露頂正顧局尤

一僧監局神蕭然宗一翁偉麗皎玉立徐乾學扶兒左顧

翁欲前三人前立何蟬聯一兒翁側挽翁帶六人皆在

長橋閒山亭五翁望華巔趺坐揮塵若老禪盛符升兩翁

並坐對讀秦松齡僕立一翁覽倚闌虬髯據石獨抱

膝四翁之外惟看山兩童攜榼三守戶對池水閣腰鼓
傳五童搬樂池亭偏三童背橋抱卷軸遠近各伺諸翁
便三月三日日上巳三十三載康熙年主賓十二壽九
百玉峯占此林巒間嗚乎主賓一世賢大人君子吾能
言平生好士獨意氣萬里生贖窮交還鑄金爭欲奉賈
佛買絲不獨因平原生當

聖人喜儒術網羅耆舊歸詞垣君看此會長洲翁樂府
倘足怡

天顏翁雖解組竟歸去

詔許修史還其官暮年置酒集佳客賦詩遠續蘭亭歡

思伯子堂詩集

卷十

三

東南自昔盛文藻風流延攬相後先羅陳王杜我所憶
聞有書畫知誰存此圖妙筆追公麟制度況可徵

朝端祝園遂園總千古絕勝遺像滄浪鐫我生苦後二
甲子遭逢慨想

明良辰長安來往已有日短褐不識公卿尊兒曹輕薄
議牛李居易且庇奇章晷翁之愛賞豈一士草木真足
方平泉孤寒八百雖已往摩撫此卷嗟獨完得非神物
故呵護不似流落金閨門清華繼起瞻文采駿驥不似
驚駘羣飛揚餘子笑跋扈新詩力敵臨淮軍我如左車
敢言勇卻感開閣今無人君不見茂林修竹態萬千百

樹桃花紅漲煙城陰塔影參名園二三燕雀雙胎仙
將行矣呼一篇

奉潘芝軒相國

尙書年少文章貴風采曾看動瀾條沂國科名尊一代
安陽忠信歷三朝天官前後兼司法星使東南屢擁輶
誰識千秋金鑑外愛才高義薄雲霄

彭蠡錢塘飲水清黑頭當日已公卿十年畫錦娛親老
萬里皇華得土榮宮保專城諸弟子鄉人傳鉢小門生
洛陽不羨香山望耆德如公曠代英

入告猷惟補袞符聞詩學本過庭趨平生口不言溫室

愛子才原似渥駒定許純仁繩小范儻同富弼附三蘇
傾心獨向牀前拜高密鬚眉入畫圖

流水高山惜爨桐賞音何意遇宗工竟同文憲推任昉
辛相元和從晉公歲月更添黃髮後畫圖應列紫光中
高門江左傳通德待燕瓊林杏再紅

柳州石硯余既與羽可聯句矣而鑑泉明府必欲
余另作恩恩將行姑次前韻歸明府並轉謝刺史

青山萬片芙蓉簇何人斲山如琢玉一方宛轉落吾手

似奪良田快墾劖

此硯先在吳蘭雪老丈處
余約以詩先成者得之

洵知得失

皆自然頽潤略擬花含煙不愁玉蟾更淚滴卅六峯色

餘嶙峋山神母乃詫怪事萬古未聞索幽異奮斧潛
動石胎工師坐恐年老至曾侯曾侯硯有靈苔蝕風雨
沈岩局不然學使長沙渚眼中夢裏應殊形洞庭秋清
月烟烟駕浪何年巨舟逞秀色摩挲一物留湖山大好
吾能省當時不信漁陽才二娘手製輕挫摧卽今七星
空好在棄置篋笥叢新埃奔馳南北悲羸馬嘯歌久媿
楊翁雅我詩幾似秦時碑此硯應方漢宮瓦攜歸要共
端坑盟寄將萬里侯意誠聞侯愛士如愛硯看培柱石
繼昇平

己丑六月同人約爲歐陽文忠黃文節二公作生

日文忠此月二十一
文節此月十二十六日樹齋太史招同人看

花十刹海卽修前約分得十三職

君不見宜州垂死竟絕食蔡州垂老乞罷職高天厚地

皆荆棘兩公之魂招不得百川勇挽頽波流千里健奮

神駒力少陵昌黎世不作獨有坡仙中嘆息坡仙遲暮

亦投荒一代人文共顛踣當時唱徧鶴南飛前宋後翁

咸何極宋牧仲翁覃溪每
歲爲東坡作生日玉河晴作西江色翠碧紅蕖

淨如拭一例岷峨弔子瞻千秋黨籍何堪憶嗚乎兩公

之生不相值至今豈獨鄉人式昆明多少劫灰黑十刹
海元

順帝海子
故蹟也落日荒荒送歸翼

松筠庵謁楊椒山先生遺像分得氣字

烏庠椒山竟死鈴山生有明中葉更何謂一庵風雨歷
滄桑萬古天人悲髮鬢憶公少孤備艱辛壯年習樂力
強毅當時誠子獄中書其言洞切尤可味古來忠孝亦
學成激烈要知匪浮氣空看摹寫到俳優奸罪未誅公
豈慰北河蕭蕭朔颼惡短衣匹馬常歔歔公墓在定興城南十里地
曰北河余嘗世間不少趙文華請看後來媚閣魏北京
賊騎已如蝟南朝黨籍復交沸賸有荒祠下拜人沈鼎甫師
顧南雅先生數公下摩挲老柏嗟十圍烏庠椒山至今
猶不亡鈴山垂老何曾貴

潘星齋紱庭公子藏陸包山畫卷董元公宰爲題
曰花塢幽禽六月廿六日二君置酒餞余且招同

人共作七言長句余走筆爲之志別云爾

家有陸郎畫僅能言姓名

余舊藏包山畫幅甚工麗可喜數年不歸未知置於何處

所畫何物亦不記矣

昨得雙鉤水仙冊故人持去今忘情

去年市得包山

雙鉤水仙一小冊雲麓員外持去且囑作詩亦未暇

眼中山茶雜水竹頽搖碧洗

何分明一雙珍禽欲上下雙雙或在花閒鳴想見江南

二月天水塢畫靜餘春煙燕鶯向暖啼風前覺春夢落

紅香邊陸郎此時意渺綿粉墨脫手窮自然得其意耳

且棄置誰與好事爲言詮董侯昔亦江南客豈與陸郎

爭膾炙偶契標題別有懷應推三絕同珍惜綠陰小石
詩勛開弟兄出示當金罍知君不忘包山畔萬樹梅花
鶴去來嗟余飄飄知倦翼欲覓安枝那可得翡翠何曾
竟羨魚鸞鳳未免驚棲棘此圖到眼三摩挲羽毛自惜
終如何高飛或共雙翔雁隔歲來巢上苑柯君不見陸
郎輩侯書畫手三百年來猶不朽弟兄年少況多才京
華老輩皆低首我放扁舟別紅藕離愁深淺如此酒江
南到日最相思數點棲鴉又楊柳

六月廿八夜周夢岩太史招集郭羽可孝廉家步

雲明府楨黃樹齋太史餞余卽席賦別

鳳城連雨欲秋風萬里南行先塞鴻好士獨忘前輩分
故人難得此樽同河渠夕照宣防晚關市牙旗權算雄
少賤敢云資閱歷濟時回首望羣公

東南積水連吳越齊魯扁舟豈怨遙何處中秋逢好月
異時一醉憶涼宵關河秋草肥牛馬江海天風健隼鵬
壯士獨看游易倦樽前劍外髮蕭蕭

順陵碑留贈樹齋

分明半幅順陵碑多少人看總未知獨有秋堂解金石
眼前難事盡如斯

此碑見者皆不能名胡君衛生獨識之

周易畫留贈羽可

晚樹秋煙澹欲無是誰門巷獨跼踖更添蕭寺三人影
便是今宵話別圖

君時與樹齋海秋來送余於蓮花寺

沈雋畫留贈海秋

雲山潑墨連天雨煙樹迎人獨木橋想見長沙秋色遠
西風城郭雁蕭蕭